



# ХАБАР

تېلېگراممىسى

Ўзбекистон Республикаси Алоқа Вазирлиги наشري

1992 йил мартдан чиқа бошлаган

• 1993 йил, 14 май № 20 (59) •

Нархи 10 сўм

## ҚИШЛОҚ ПОЧТАЧИСИ

— Санобар опа, бизга хат борми?

— Эртага албатта олиб келаман.

— Пул жўнатмоқчи эдим.

— Бемалол.

— Қизим, нафақамни олсам бўладими?

— Кеча сизни йўқлаб уйингизга борганим, топа олмадим.

— Газета ва журналлар келдими?

— Ҳозиргина марказдан юборишибди.

Санобархон Раҳматуллаева ўз миқозлари билан ҳар куни шу тартибда сўзлашади. Шу боис уларга жуда-жуда ўрганиб қолган. Агар унга доимо иши тушадиган ҳамқишлоқларидан биронтасини узокроқ кўрмай қолса, албатта суриштиради. Шу орада унга хат-хабар келса ёки обунаси бўлса, албатта уйига элтиб беради.

Инсон учун хизматнинг яхши ёмони бўлмайди. Энг муҳими — касбини эъзозлаш, унга илҳос қўйиш. Гоҳида бинойидек тўйилган ишни ёқтирмай, уни қўл учта бажариб, бир куним ўтса бас деганлар ҳам учрайди. Айрим пайтда ўта оғир, машаққатли меҳнат талаб қиладиган юмуш ҳам чин кўнгилдан бажарила, инсонга завқ ва шавқ бағишлаши турган гап.

— Бундан икки йилча олдин, — дея ҳикоя қилади

Богдод туманидаги «Қизилтепа» жамоа хўжалигида

жойлашган 6-алоқа бўлими

бошлиги С. Раҳматуллаева,

— почтада шунча йил иш-

лаганим етар, болалар ҳам

воёга етишди, энди уларсиз

қийналтиб қолсам керак, деб

алоқа соҳасидан кетган

эдим. Афсуски, алашган

эканман. Бир оз ошхонада

ишлаб кўрдим. Аммо бажар-

ган юмушимдан ҳеч кўн-

лим тўлмади. Почтачиликка

жуда ўрганиб қолган экан-

манми, хатлар, газета-жур-

наллар кўз ўнгимдан кет-

масди. Нимасини айтай, яна

ўз ишимга қайтдим.

Ўша куни Санобархон

опани йўлда учратдик. Уни

суратга олиш ҳам қийин

кўчмади. Қишлоқ почтачи-

сини қўлидаги янги газета-

журналлар билан тасвирга

туширдик. У бир олам ян-

гидликлар билан «Қизилте-

па»ликлар хонадонига отла-

наётган экан. Опахон айни

пайтда 211 оилга хат-ха-

бар, обуна нашрлари тар-

қатади. Ўзи хизмат қиладиган

уйларда яшовчиларнинг

каттао кичигини беш кўлден

билади. Уларнинг қандай

яшаётгани ва нима билан

нафас олаётгани унга маълум.

Боз устига улар ҳам

почтачиларнинг юриш-ту-



риши-ю турмуш тарзидан бохабар.

— Хизмат қиладиган ҳамюртларим қувончига шерик бўлишни ҳар нимадан устун кўраман, — дейди С. Раҳматуллаева фахр билан.

Ушбу сатрларни ўқийётган пайтингизда қишлоқ почтачиси яна йўлга чиққан бўлади. Ҳар куни шундай ўтади. Кеча ҳам, бугун ҳам, эртага ҳам шундай бўлишига опахон кўнгиб қолган. Бошқача бўлишини хаёлга ҳам

келтирмайди. Унинг ягона истаги шуки, ҳамқишлоқлари меҳрдан уни ҳеч ким маҳрум этмасин.

У. ҚУШВОҚОВ (фото),  
И. УСМОНОВ,  
Фаргона вилояти

## ОЛАМДА НИМА ГАП ?

\* ЯНГИЛИКЛАР \* КАБАРЛАР \* ВОҚЕАЛАР \*

● Ун иккинчи чақриқ Ўзбекистон Республикаси Олий Кенгашининг ўн иккинчи сессияси 2 кун давом этди. Унда жумҳуриятимиз ҳаётига оид 50 та масала муҳокама қилинди.

● Ўзбекистон Республикаси Президентини И. Каримов Германия Федератив Республикасидаги «Дойче Банк» кенгаши бошқаруви аъзоси жаҳон Георт Крупп раҳбарлигидаги делегацияни қабул қилди. Учрашувда ҳар икки томон учун муҳим бўлган масалалар юзасидан ўзаро фикр алмашилди.

● Тошкентда Ўзбекистон халқ шоири, академик Гафур Ғулом таваллудининг 90 йиллиги кенг нишон-

ланди. Шу санага бағишлаб ўтказилган тантанали йнгилишда Ўзбекистон Президенти И. Каримов сўзга чиқди.

● И. Каримов таниқли тадбиркор, машҳур «Адида» компаниясининг асосчиси билан бири, ўзбек-француз амалий алоқаларини мувофиқлаштирувчи Эндрю Гельфи бошчилигидаги француз ишбилармонларини қабул қилди.

● Вазирлар Маҳкамаси «Пул муомаласини тартибга солиш ва республика истеъмол бозорини ҳимоя қилишни кулай-тириш тўғрисида» қарор қабул қилди. Шунингдек, купон беришнинг янги, та-

бақалаштирилган жадвали белгиланди.

● Ўзбекистон Республикаси Вазирлар Маҳкамаси «Еш муаллифларнинг энг яхши асарлари ва илмий ишланмалари учун Ўзбекистон Республикаси давлат мукофотини таъсис этиш тўғрисида» қарор қабул қилди. Мазкур мукофотни бериш комиссиясининг таркиби тасдиқланди.

● Россия вице-президенти А. Рудкой навбатдаги президент сайловларида ўз номзодини қўймоқчи эканлигини эълон қилди.

● Қирғизистонда шўролар даврида қазиб олинган 17 тонна олтиннинг тақдирини

булганлигини текшириб кўришга киришилди. Президент А. Акаевнинг сўзига қараганда, ҳозир Швейцария банкда республиканинг 2 тонна олтини сақланмоқда.

● Бокуда ўтган йил кузда Қорабоғда хибсага олинган 8 нафар Россия ҳарбий хизматчиси суд қилинмоқда. Прокурор барча айбланувчилар учун олий жазо қўлланилишини талаб этди.

● Кучли жала ёққани туфайли қуриладиган Роғун ГЭСининг тўғони жиддий шикастланди. Умуман, Тожикистондаги табиий офат туфайли қўрилган зарар бир неча миллиард сўмни ташкил қилади.

● 1991 йил, 19—21 августдаги давлат тўғрисида иштирок этганлар устидан бўлган суд жараёни 18 майда давом эттирилди.

### БУГУНГИ СОНДА:

- САНОБАРХОН ОПАНИНГ БАХТИ
- КИМ ЭЛ ҲУРМАТИГА САЗОВОР?
- ЖАҲОНДА ЯНГРАГАЙ ЎЗБЕКЧА КАЛОМ
- МУСТАҚИЛЛИК БЕРГАН ҲУРЛИК
- АЛОҚАЧИЛАР ЖУРНАЛИ БУЛАДИМИ?

### КЕЛГУСИ СОНЛАРДА:

- ОДАМЛАР ҚУВОНСА ҚУВОНИБ...
- ТЕХНИКАВИЙ МУЪЖИЗАДАН ОГОҲМИСИЗ?
- БҮЮК АЛЛОМА ТАВАЛЛУДИ ОЛДИДАН
- ОТАНГ ҲАМ, ОНАНГ ҲАМ БОЗОР БУЛСА...
- ТОБЛАНИШНИНГ ОФИР ЙУЛИ











